

近代中國史料叢刊第十八輯
沈雲龍主編

湘綺樓箋啓

王闈運撰

文海出版社印行

王

湘

綺

先

生

箋

啟

凡

八

卷

宣統庚戌上海國
學扶輪社重刊

W-2130/13

湘綺樓箋啟卷一目錄

長沙湘潭王聞遠字壬父著

張文心十一啟

龍希蟠一啟

唐藝渠一啟

教金甫一啟

楊石泉二啟

劉印渠一啟

張參贊一啟

徐受衡四啟

徐章京一啟

于晦若一啟

連希白一啟

朱香蓀一啟

董研樵一啟

譚文卿一啟

李小泉二啟

陳懷庭一啟

左季高二啟

李少荃四啟

易笏山三啟

王一梧一啟

裴樾岑八啟

宋芸子三啟

周自菴二啟

王鼎臣一啟

陳伯屏一啟

易中碩二啟

丁康侯一啟

鄧直牧一啟

王理安一啟

瞿子玖一啟

朱竹石一啟

湘綺樓箋啟卷第一

長沙湘潭王聞運

與張世兄

前聞將至鄂中故未奉問昨見省鈔乃儼然逐隊李石之門豈有說邪東野世文亦入都長涂川資何出聞運鄉居衣食足供十口手寫九經已得四矣春花滿庭間復弦酒蕭然自喜不知前之為夢也桂陽州將修志搜以聞運充乏當於四月携家一游兩三月便還廬所浮家泛宅何必江湖此實至樂在不知明日事耳仁兄意致高穆可以相聞

不奉款曲又已兩稔屢得永州書詢音問通否慚無以答也仁兄坐卡如官何子

咏城陵委員詩云見人偃傲無規矩坐卡如斯况做官遂無冷銅之分取得家屬相攜琴書不廢亦足以浮

沈送老矣州縣况味前已略嘗益民者少損已者多幸有文史自娛可終身不署補也聞運滯於衡城商訂圖志所獲無幾曠日已深去歲家叔父病亡三涉省會藉見諸友獨少良規頗懷感念之意因春寄訊聊代董蘇君山新茶真者可為致一二兩假者亦致一二斤以慰渴思專問同福不具

前書薦孫世兄竟未奉報益鋪遞浮沈山居深遠相思之意寄於想望而已聞雅政無傳百廢具舉留賢自助遂騁二龍都梁之芳與塗歌共遠何意山城得此佳會甚羨且妒也聞運於十月至應陽故城主於席氏料檢圖志并已畢功東安武岡境間有奇石謂之蕭巖相傳為壓湖南一山自宋時知武岡軍周裕游馬磨崖題名歷五六百年人罕游探今冬月晴煇又值吾輩咸會近地已函告東丈尅日同游吾兄按圖行鄉正茲巖主人宜定良辰招二鄧南迎永州之騎西會故人之約留飲三日刻名賦詩為一時勝事專書奉約即候復章

得書知欲坐而致人惜蕭巖之無緣也從東安蘆洪至貴州輿橋越嶺有三日程天殊未能晴又已入人地行止遂不自制還必歲除矣聞運作思歸引時更有詩云湘綺樓中他夜雪好將鴛瓦當油衣自此誓不雪中孤行若迫以時日必逢雨雪俗所云犯祝神者甚可畏也明春當偕妻女同來以此間尚有小小筆札事圖志已畢矣專此奉復順頌夫人同福兩郎並佳邪

中秋日得手書及張生膏火銀十六元敬悉政成年豐蕪訪遺文得篋中藏素將付手民備攷覽甚善甚善從衡陽來者說尹不去口足徵此邦醞樸過於武岡抑

亦仁兄學術日進月異而歲不同也聞運慶中碌碌思前游已復邈然若得遂補
臨承仍當携家南上山川有緣必果斯願矣軍志甫成十篇尚有短篇七首未就
思於九月畢工沂湘一別為出入川之計刻下正冗迫也八月廿日大兒幸得
一子請報嫂夫人謝照轎之光湯餅俟補設耳

昨夜偶思秦人歸咸風襍欲見秦與魯莊親密襍及其妾交情至深即所以起築
臺於秦之為秦國也桓元年見越十二年見鄭越鄭二國皆於昭公見世乃見之
僖廿年見隨直至哀元年乃再見知春秋前後相通國名邑名不可同也因改箋
說別紙呈政皆出老兄之啟誘以後務乞隨時見誨為幸

去臘得賜書以亡室告終承憐薄弱撰文垂遠將託哀華拜頌崩摧感何如矣望
溪不輕下筆簡文乃肯諫劉語不虛增光昭泉下謹刊入家譜用志鴻施賢嫂夫
人當已卜宅志銘無愧述德為難善度經年懽辱來命昨積雨經月夜出沂湘獨
坐舟中忽有所感還家援筆頃刻而成雖體格不高風骨頗振掃除門面直書情
性有悼詩所未及者生平合作也淑儂固宜美銘亦亡室靈魂不忘閨友若或啟
之不然無此韻也老兄好行善事食報亦宜但久獨神傷恐非逝者之願若聞運

之頑質計一死足報賢與不肖當思俯企東洲拘窘籍息奔馳兩兒將有浙行諸
女並從衡寓因呈拙藁不遑贅言

前得還書情文並斐新秋感念遙想連清垂老安居自然離索人之分也深思佚
我自娛而已施惠鄉里亦消遣之一端而動或乘時不如其已唯勤教誨來者與
之庶乎无咎耳聞運老心猶童不忘游樂苦無負託坐為五女所累乃知古人貴
男正自有道待幼者嫁畢已七十矣此女新許傷承為兒婦傷已七十又癡於我
也亡妻墓銘篆蓋未搨先寄一分呈覽今年遂無所作唯公羊疑義初通二條容
俟年終將應改者編鈔寄上以補刻本之漏酷熱猶未減久疏筆研荒矣髮鬢起
居如何暇仍答示

比年時聞起居嫻未通書亦實無可言也昨知攜孫未游欣承健喜既至上海咫
尺漢湘秋末潮平洞庭風利不十日程耳何不重游湘東下榻東州作數夕快談
弟十年來頗有長進亦驗兄閑居所得非僅誇杖履優游也暮年頽唐者多少壯
朋交不復相思存者晨星乃如參商如吾兩人益不可得亦未知弟之薄於故舊
耶抑諸公道不同也相見時當快吐此鬱鬱耳專書奉迎不復多及

文心世仁兄先生道席前月得復書通以春游訪李者農於袁州往還二旬未及作報比歸復得手教及寄到鶴茗清映心目喜慰無量承示則改莊敘謹即如所箴涂易之間運平昔不攻宋學以不相為謀之道懲辨生末學之言凡所著述未涉唐後緣論禪悟順筆及之遂荷指正焉有不懌者乎殺梁申義於前年鈔呈由郭筠仙轉達奈何中沒今並補上彼係手書此則傳寫耳比年作書箋廿九篇已成近又作詩補箋及禮記箋初命生徒初稿多發古義有可觀覽惟獨學無友鮮啟憤非學之不講是吾憂也屢學使頗勤勉於學政昨以搶替致烏合市人連折民屋以知此處事之難非倭學可辨仁兄殷殷於近思無亦致精於聖道蓋儒聖之分門久矣所索碑搨侯考後寄呈經策本無藍本策問有孫芝房劄論一冊可賅大政至經史疑義多是陳言以敷衍了之無異條對也近日經學將興貞郎尚宜留意聞運兩兒材志驚劣一無可言乘郵奉問起居不具

自強不息老而幼學每得來書輒自皇悚滄海橫流之時乃有此山澤耆儒麻覽古今如出一轍老兄當知消息可搜集一傳第為敘之勝於表章道遠足以警惕凶庸也但區區老翁不踰繩尺求志達道孔所未見第踟躕其間不願同游他日

僕亦附名則究屈耳承別示養心方頗有老態弟尚不須遵此人生適意安能自
養以求生乎今夏早熱氣為所奪及涼冷遂懈怠矣頗欲東游以振之好自珍頤
預備暢談

致龍高平

希蟠仁兄先生道席正月至宅中聞已治辦刻期出作選人心頗不以為然然成
事不說遂不諫也今已半年尚未成行殆有所裴回而待朋友之決定邪聞運不
言計無有不面諛而後言者請試論之夫官者無止境而遣者有幸否以令長為
致身之資則已末矣以弦歌為三徑之資則未可料矣今居省城視昔居省城時
何如何憂其不足乎為貧而仕非兄志也直以才智應發久間不試思欲一顯其
神明之舉特不知出遇僻地逢惡長官將一無所施或補大缺運高官將欲罷不
能五十之年僕僕形役此有官癖者為宜而以老兄之初志又未肩與悠悠者浮
沈矣吾輩才德有限必無富貴令名並集一身之事以近事論之味滌李霞皆艱
苦成名筠仙最逸猶卧茅裨眉生棄家乃得徐海杏農高名困於張李庸齋上德
被謗廣東彌之九傷辛眉坐嘯申夫再劾閩運長歌出處之分校然如此將欲與

官瑞為列而先冒良吏之名或欲與陸期陳軾並驅而今有理問之第語曰知止不殆兄其止乎斷事最難幸無謂進退綽綽也夏寒沈陰起居珍重

致唐郎中

前聞太夫人壽辰適已過期關於遺祝又聞慈躬微恙旋已有痊幸甚幸甚昨得程春翁書並寄到惠函及潤筆三百元具徵孝思無窮損已揚親之美欽喜惟倍但碑銘例有人事行狀不以利終先公於閩運忘年雅契同事廿齡大德遺聞素所仰悉故稍加詮次即已斐然若因而受謝弗彰公道既使閩運有傷廉之譏又傷先公知人之雅抑令人疑賢兄弟私願榮親喜于聞譽故不敢承領非自外也狀版早交春翁宅中李次公碑文尚未寄到尚須諸兄函索之茲附呈奏稿六本並所寄三百元統希察入閩運以丁宮保前歲久要於十月內軍志告成即行買舟入蜀游期久暫未定堪口尚寄城中明年秋試鑄兄當送考來省否酌兄何日之官樊口事以平淡了之鄂中今無事也

致教郎中

去秋復上一函計達清鑒仲冬泝峽西上除夕前日屆於成都比見丁公果如所

諭診以講席相處初以三年宿諾意其求友之喬聲不圖千里尋師乃作擔簣之
來教遠巡三讓固執一辭便欲告歸實為駭聽今年二月移入館中以佔畢之荒
儒對卿雲之後輩其為不稱亮荷深知唯孝達初立不易未經整飭以閩運硬硬
之性蒙諸生抑抑之謙將廢者于是更與未備者俄而悉補甫及一月已有可觀
用報鄉先生使知蜀材之盛也珂里人來具言老伯大人高年矍鑠令弟秀發恂
恂聞之欣頌仁兄秋官久次美譽益章著述當增暇幸錄示閩運去年撰成湘軍
事志十七篇於長沙開彫今尚未得清本及至貴省工課頗餘當俟夏間方能理
業媿屬仍居鄉里恐江湖之險又作客不宜有所顧牽錦里之留因茲難久意欲
得三數高足分習三科然後改院長為學長不借材於異地乃為佳耳聞孝達有
次子出後其兄者年近舞勺饒有父風聞運有第四女生于戊辰性稍聰敏授以
經義粗能理會伏冀仁兄近加訪察為我相攸若許相當便煩掌牒復書來日再
可問名緣此未通函考達希留意幸甚幸甚春寒來久伏惟萬福

致楊總督

自送行旌旋登平乘卿雲屯于隴阪客思託於沱潛雖雍梁同方而行程俱驚入

蜀以後官訟紛紜親覩風波難安放夢又初開講席日有課程昕鼓宵鐙靡遲他
矣側聞善策兼總留臺翊贊之勤勞於昔歲以至重大之事曾無合力之人文卿
又復翩然季文真成騎虎非樸忠妙略難為一日謀也每一思之頭須為白况躬
綜其成者乎穉帥之落華陽原可安於厝火乃思危遠慮遂為淺識所驚已既徒
勞人亦受咎兩星為之退舍百姓頗亦騷然今方欲善其謀亦有才難之歎耳聞
運謬居祭酒職佐儒官諸生業勤差以遺責家從弟少而失教壯不自安求託旌
轅冀加鈐約得其長安來信深感推愛之恩昨奉惠書始驚天逝本無裹革之志
乃承掩骼之仁兼賜遠詢許謀歸葬聞運竊以為延陵麻博蒙更焉為處處可埋
達人有例但此弟曾無妻子其弟妹為之主持若不迎喪恐於禮未盡未敢專決
仍還書舍間謀之惟示以附使致柩則萬不敢當俟定議後當由其胞妹婿陳同
知嘉績就近照護耳存衣便可施作佛事以免交代之煩陳令從張朗帥在阿克
蘇先亦在大營文案可代聞運辨此也先此奉復敬頌道安不勝悲仰之意
石泉先生尚書節下正月奉賜復時以寵昇益隆投艱不易未敢依世俗稱賀而
相距遠隔又無以助贊海嶽故稽迎候欽企彌增西極盛秋德威不著甚頌甚幸

湘陰學行宜為第一名相乃政府目以外行利方為圖良不易易陸公亦稱病欲
退沅帥似不西來偉人穹官猶之不遇如聞運等反為達人矣蜀游因循三年冬
初決去近撰公羊春秋已成寫定後再寄呈正舍親趙秀才一函乞留意安交敬
頌鈞祺不具

致劉總督

前歲奉別遂闕通牒側聞滇黔人士傳道威德不動聲色安於泰山凡在知交孰
不稱頌比者連章示意頗念明農朝廷注意西陲竟不得謝竊以為大臣任事高
下在心但益國家豈知俗例絲針雖利未若龍淵如以察屬而遽歸何異假梯階
而自進總督而不得行意今古所無公自道多而術少耳聞運於去歲撰次軍志
已畢遂為西遊初擬由蜀秦蘭隴還循黑水而南以圖良覲及至華陽穉公留主
講席諸生已集勢不可辭好為人師古賢所患但上下牽縲去留不得自如以負
嘉招慚於通訊今因驛使輒報行踪梁益同州承風在近儻有所見尚當續啟先
此奉達敬啟道安惟譽鑒不具

致張參贊

正月寄上一牋言蜀中金鹽煤火之利思效鹿革之義方以無報為怪昨得家書乃知有竊變石故智者竟致浮沈然比時風波駭人恐賢者亦隨俗裹足今者霜臺隼射復攬威神部議重申兩星退舍所有餘意頗再明之蓋聞才智之士患不遇時家有龍淵乃議割割仁兄思精才敏非僅以文德營務為富貴之極階而小試輒罷但能卷退良以張劉力弱沈李交疏不階尺水終於蠖屈筠公泥佛不保自身三數東行無成而返而又諱其逐鹿高語卧龍以聞運之深交尚未傾其情情此在高才坐廢懷寶遠邦無與他人不宜勸進然聞運終不能已者誠以近今能者無多惜其冉冉也蜀通三藏地界英俄他日蔡州當今鞏洛富強之計久闕未舒督府宏謨鄙人奇計小用小效大叩大鳴思慕恢廓之風願商兵食之略幸承聞退可作峽游秋水向平無辭一訪縱令無補聊作看山若可經營何難展布昔陶朱無心將相而必致千金諸葛但食一升而樂窺火井人生要在發舒其意豈以言利為講求官為卑乎湘人得志東南入蜀者率皆鷲下由顧霞凡近不足提倡故也君家松公不迎玄德則與五斗妖人同於草木何必狃於熟路唯識准綱仰望幼丹交通崇宇以為百步王乎聞運既託業談經更無進取之理若夫瞻

言百里遠慮十年子牟魏闕之思仲連圍城之志非智者不可與道也今且先謀興利以裕國本秦調擢用自在他時亦非僅區區海關酬參贊之勞耳書至且宜深思以副所期有可與談者亦可示之蜀中夏溼院內多忙然燭作書敬頌雙福

致徐通贊

伯澄先生侍郎閣下興平快聚幾欲忘歸江湖之人復知闕下之樂以主持風雅如東海之納川也漕渠秋清游人欣慨南衡北斗俱在天涯獨寐獨興勞於轉轂非有翰墨豈代護蘇但浮雲西驅龍門難望勝游招致亦憶歸人今寄上近作詩一篇并補注書大傳敘一首聊當面謁見寂寥之遠致期奇賞之獎成驛便將書以榮空谷短牋奉謝敬頌安和不宣

在里中竟未相見上牋亦未得復旋聞諸闕企仰何極春明榜放正鴻臚奏第之時桃李公門比四裁為勝也聞運今歲以湘中將撰軍志携妾入城寓居鳳凰臺饒秀野之趣惟此書端緒頗亂傳述異同私論官書均當兼采聞髮捻方略八百卷已用洋人活版印行未知曾刷以部可購致否或須求借方得頃書詢叔鴻弟乞其代辦僅須大力者可問津則求我公為覓全部以資攷證若必須借鈔曠

日殫功以求簿錄即亦不必勞費以官書本不盡精詳且此志又不資公家言也如有買則不妨多償以辦事未宜惜錢此亦莊生所謂兩行者耳前款已交芸伯轉呈太先生遲滯為罪春深惟起居自珍不宣

受衡先生台席在龍宅復牋未審遂將京票出京行五十里乃悟之益信辭受久暫俱有前定大惠不虛頌也五日別故李將軍七日見今李將軍送往迎來歡情不沫談新語舊老境漸臻細詢與居同深慨慕九日遂同舟東汎仍以月半為歸期春分後可看家園海棠但不能游五頂耳此間果有攀留之說而情意殷拳反怨我不早出土各有志固不為留然又撞高帽一頂矣與我好者為好人其學識實亦大進廿八年不見彼此俱上天也富貴長進極難誠為偉器知公愛奇故悉以聞近見豹岑否亦求致意謝未相待至湘復當有書奉聞

北行展會泥更瞻雲南城寄居春能煖雪五旬之聚千載所難寒食還家征衣未澈祇以買山未得近市仍喧心緒靡甯手書久曠想韓榴照眼杜葛承恩既肅臺綱即司堂印雍容華貴延望欽遲閣運糧聚無多轍環將老既過假年之望聊尋大易之門但爻象絲頭文言簡奧勢窮鑽仰時復行游近欲營碧浪湖亭以為野

憇即題檀施用志桃投俟夏水平隄勘工定議再當寄呈圖說求紀端由至於會館之鴻規募金之鳩集除雪公千五而外多露臺百十之家不識諸藩作何登答儻有見委請俟來年若肯視小成似宜拙速蓋拓大為易淹久恐難也首夏已燠日長增思報憑驛使敬頌台安雲薛露恩來時續當奉報唯昭察不宣

致徐章京

去歲為劫剛作賤懇一事誤由票號遞呈經時未得復示知未達耳十試已畢利鈍如何吾弟留京積歲今秋必宜邁返京官能銷磨心志在都者懶於他事不知行樂受苦立德建功外間別有天地久而悔之兩無及矣聞運去年復有會試之意行至長沙為省人所留今携妾暫居龍泉精舍方議排比歷年軍事以述實迹其中最難考者各小營起撤日月如募勇五百或三百即有營官有餉項隨生隨滅人視之無關輕重而當時具有經畫最足以考證節鎮之材否而三江兩湖閩浙齊豫川廣雲貴山西直隸俱有湘人為將者或他人為將而湘人為勇此十六省案卷豈能徧查惟報銷清冊易於稽覈同治三年雖奉旨免報其細冊仍送貴部備查鏡初言軍機處方略館能手一二人均吾與弟相知好故去冬諄託並望

回示以便寄上使費及筆札之資恐須吾弟面託前途但鈔湘營開立及遣散日月人數將弁籍貫餘皆不用若冊內並無兵勇籍貫及兵勇細數則並不用欵彼虛假帳目以省勞神此間運籌再四籌度選賢而公舉吾弟之意亦非以京官清苦為此調劑之法也又平定髮捻方略若干卷已用洋字印行廠店必有可購並聞方略館有人常與遇從其書既已印行必非祕書何處有買有借有討務求賜一實音以憑設法近有人云須全鈔者則費力曠時以求此無著之語即可不要矣且方略頒行而曰無處可查豈人情哉凡事非內行則處處荆棘一遇能者咄嗟立辦已函求大先生為吾弟之助指升還日迅賜確信

與于兵部

臨行遠送周至款深承寵非常惟有悲仰次日明發勃海波平三日無風遂入江口小有洶蕩不廢安眠見贈三器有備無患皆蒙愛覆以致平安行裝瑣細一無所失在上海逢劉伯固得一鄉丁護行自此翩然無煩遠屢矣停逆旅時遂大風雨春寒曉坐得小詩四韻錄呈吟賞貴欲知我者喜聞間適也上陵美美春樹當羨萬里相思與雲俱遠有朋相問求致拳拳敬頌危安紙相未解僭紅為罪羊涇

逆旅上

致連散秩

希白仁弟殿帥爵前奉送行旌修已逾夏福門嘉禮未及申賀旋聞田君言已駐萬縣同舟東汎錦帆安穩璧海順流垂佩君門定逢新寵甚幸甚頌令兄已至駐所謙從平安成都近無謠言但惜黎公之去耳實心任事者不可多得蜀中積弊又深游公之徒奉行良吏未足挽頽波也俄事必無他慮而廷議為正論所劫致謀邊計思之歎恨亦未知兩宮真憂勞求賢而不可得耶或以今所用為賢而姑徇輿誦耶故雖有所懷不敢自獻昔荆王三別莊鴛一嚇九重萬里忠憤徒深每遇北風何能不歎聞運濫居祭酒忽已二年山中信來促望還棹以去臘方歸今冬當留渡歲明年秋汎定戒扁舟為日尚遲可隨時通候也專此手復敬頌台安惟荃察不具

致朱典史

香蓀仁兄先生道席長沙快聚歸夢猶歡秋風復涼佳期未踐桂香招隱葭露遺賢當乎此時無任吟想邇來集會論何文政廷璋一案致勞神蛇金剛之倫左袒

右袒吾等局外不逞私議試以尊意報我無若鄭尚書屈殺張文祥也衡陽圖志
寂寥無甚可觀須十一月乃得刊竟近撰周易尚書并成尚書實古今之名作尚
有未通者須良友講論俟之來年耳人便奉牋祇頌多福

致董兵備

研樵仁兄年先生節下前歲道中奉寄二函已入鑒否復聞分守董秦不得近聚
又彼中荒冷當此時艱難撫馭勤勞未展驥足京都敲韻雅會難進唯勉勲名以
樹邊略亦足壯詩情也閩運還山苦為州縣圖志所累筆墨塵冗無異簿書久欲
奉牋因忙遂報新年湘上舟中偶得小詩奉懷附錄呈覽如有佳問由文卿兄可
達

自疏嘉問靡日不懷昨得寄書知閩運去春一牋經秋始達天水復札八月乃來
情思常新日月逾邁念此何堪別也節下巡備列城同人有麤官瘠土之歎及觀
所示方將移風易俗講德興賢無快望於台司有設施於荒徼高致遠度於此不
凡乃覺六朝文人所懷浮淺唐宋學者唯卹已私進德宏謨敢不敬賀閩運隴蜀
之望在覽光儀人事牽纏迄未命駕東安圖志已畢尚未刊青寄上衡陽縣書聊

供瀏鑿新詩一首藉達相思張子衡志圖闡臬何心吟詠得君一敗已為褒矣文卿開府因仕致貧貧也非病未可退也有狂友李兩蒼手書語語約聞運游河北妻年三十無可戀留亦以舊交展星新知不續便恐獨立天壤無與為言然當一出馳驅萬里但進仕之意絕於乙亥矣節鎮紛移獨不能違君於近地殷勤跋涉自覺偏勞儻月內布按楚越則所禱祀者耳杜祠記俟思之未可率爾來示不及家事堪屬已至秦否入秋向寒惟珍衛崇愛為頌

致譚總督

文卿先生尚書仁兄節下今春在京師逢驛還西即欲附箋問安適將南旋總總未暇請疾愈望皇界益隆俄夷新有違言旌節必無移理悵望隴阪我思如何伊犁設守本左支謬計遺此艱大以勞鴻畫然不過口舌焦勤耳屯兵待餉則切近之憂方今除借帳途無籌餉之法此則當軸之過疆臣不能代籌大賢決去似可微發其端願朝廷無務虛名而受實敝凡邊防皆無益而有害自古無知之者由不通經術耳兵不戢必自焚此理粗淺亦無人肯玩味漢唐強而宋明弱我朝兼之至今日情見效覩而猶用李張一和一戰以自勞敝肉食者真不可謀耶丁文

誠頗有獨見曾草密疏請罷海防關運以其賒人得罪勸其請對面陳故不果上由今思之亦一恨也若節下之地位恐亦不可言此能引退則可言矣遠道區區聊備采擇聞運自蜀還負累三竿方謀洋財而撤縣志書久稽汗青又當留辦亦賠錢嘔氣之舉羊質虎皮勢不得辭詩能窮人文能貧人故曰多文以為富言文外無所有也然此不足慮不文則富矣時局如此窮將及我則可憂也久闕通候因匡君還奉問起居伏唯寬心自頤為國解憂不任企禱

致李制臺

小泉先生尚書大公祖節下九月廿一日得賜書及寄惠官刻書三部循覽來教文美誼高以宏獎之心寓樂儀之訓雖薄植謏聞未足承荷然九九之見一一之吹因事量材通於為政以茲宣德敢不拜嘉聞登雁峰延望江漢秋清鏡吹霜肅戟門載路依仁還轅保福幸甚幸甚聞運八年閉戶一出求書經史研尋斐然有述比已寫定易書牋說方蒐治公羊春秋他日謹當繕本呈鑒或資過庭之訓昨檢所寄文選重出一函想侍史偶差致以二部為一此多上册則彼少下面僅係架藏無難更換今謹奉上希飭查明將下面補發以成全璧如無從考索即希別

賜一部重為瑣瀆無任悚惶復謝嘉儀恭叩侍福

致陳郵縣

去歲從賢從處聞太姻伯母之喪今年元旦在石門山中得力臣郵至赴函彼時皆以為靈輿當還伺日會葬無庸寄唁今夏文臺旋乃聞已厝浙江則怠慢後期之愆專在閩運死辜死辜伏惟客居涼獨練時增感奈何奈何閩運久愧索居幸多暇日今秋以大兒當議昏攜孀居省城百日雖知交寥落而俗冗仍煩北風戒霜仍還所住謹因郭意兄舟便附呈萬錢聊助孝齋冀思親自寬臨啟中馳

致左中堂

季高十三丈中堂去歲由里第附上一函計達鈞察西征籌筆明習敵情昨讀大疏不減充國黃升劉退見用人之至公知公晚年殊進也腹裏事益形沓泄閩運惟有閉戶讀書以永朝夕族子樹柀前從成道臺差委有年人頗勤慎今以卑官託於宏懷微賤不能自達用介一言俾謁庭下伏惟兼納並采門無棄材或留供驅策或試以州縣必能恪恭所職兢業自勉否則與以一札使隨肅帥窺關塞之情亦器使之雅意也湘中人材日復寥寥峴時兩公進退維谷大吏方整官綱以

誠頗有獨見曾草密疏請罷海防閩運以其賒人得罪勸其請對面陳故不果上由今思之亦一恨也若節下之地位恐亦不可言此能引退則可言矣遠道區區聊備采擇聞運自蜀還負累三竿方謀洋財而撤縣志書久稽汗青又當留辦亦賠錢嘔氣之舉羊膺虎皮勢不得辭詩能窮人文能貧人故曰多文以為富言文外無所有也然此不足慮不文則富矣時局如此窮將及我則可憂也久闕通候因匡君還奉問起居伏唯寬心自頤為國解憂不任企禱

致李制臺

小泉先生尚書大公祖節下九月廿一日得賜書及寄惠官刻書三部循覽來教文美誼高以宏獎之心寓樂儀之訓雖薄植謏聞未足承荷然九九之見一一之吹因事量材通於為政以茲宣德敢不拜嘉聞登雁峰延望江漢秋清鏡吹霜肅戟門載路依仁還轅保福幸甚幸甚聞運八年閉戶一出求書經史研尋斐然有述比已寫定易書牋說方蒐治公羊春秋他日謹當繕本呈鑒或資過庭之訓昨檢所寄文選重出一函想侍史偶差致以二部為一此多上冊則彼少下面僕係架藏無難更換今謹奉上希飭查明將下面補發以成全璧如無從考索即希別

賜一部重為瑣瀆無任悚惶復謝嘉儀恭叩侍福

致陳郵縣

去歲從賢從處聞太姻伯母之喪今年元旦在石門山中得力臣郵至赴函彼時皆以為靈輿當還伺日會葬無庸寄唁今夏文臺旋乃聞已厝浙江則怠慢後期之愆專在闇運死辜死辜伏惟客居涼獨練時增感奈何奈何闇運久愧索居幸多暇日今秋以大兒當議昏攜孀居省城百日雖知交寥落而俗冗仍煩北風戒霜仍還所住謹因郭意兄舟便附呈萬錢聊助孝齋冀思親自寬臨啟忭馳

致左中堂

季高十三丈中堂去歲由里第附上一函計達鈞察西征籌筆明習敵情昨讀大疏不減充國黃升劉退見用人之至公知公晚年殊進也腹裏事益形沓泄闇運惟有閉戶讀書以永朝夕族子樹枏前從成道臺差委有年人頗勤慎今以卑官託於宏懷微賤不能自達用介一言俾謁庭下伏惟兼納並采門無棄材或留供驅策或試以州縣必能恪恭所職兢業自勉否則與以一札使隨肅帥窺關塞之情亦器使之雅意也湘中人材日復寥寥峴時兩公進退維谷大吏方整官綱以

臨民士視嘉道公卿有其隔膜無其雅望思之令人不怡想公方勞心於西略顧不料善地不如惡地耳本欲相訪道遠憚行輒先以書達

季高十三丈節下自乙丑從保定上書論吳生必敗公事未得復書其後閻運以三月歸家七月入山至今四年絕不與世事相聞友朋來問或及時事大抵皆數月以前陳言鄉中人以為新聞耳故以節下之馳驅勤勞擊畫負櫜皆無得而稱焉筠兄書謠告封事乃知吾丈蓋真欲謀國而非以官爵徇人者又屢聞兩蒼保之孟星言公每與人言輒慮賢才不登而自歎衰老孤立何大臣深思之賢乎閻運行天下見王公大人衆矣皆無能求賢者滌丈收人材不求人材節下用人材不求人材其餘皆不足論此以胡文忠之明果向道尚不足知人材何從而收之用之故今世真能求賢者閻運是也而又在下賤不與世事性懶求進力不能推薦豪傑以此知天下必不治也待天子臨軒而朝無休休相臣當依之旁求恆不若夾帑之訪問為易則積弊已深矣今姑以節下用人論之嚴受菴才氣跣地欲以死發其狂令得備一卒死鋒刃將百人償其志等死也而故靳之使發狂疾自縊而死豈閻粵營哨諸弁猶勝受菴乎此節下欲成全人材而反天枉人材者一

也鄧保之一善論說文人本非吏材而節下使之為營務作府道卒又不悅而遣之豈保之先則勝受菴而後則不若壽山乎節下欲獎拔人材而又不鑒別人材者二也孟辛負氣好奇其銳敏不多得節下既賞之矣而不留之不調之欲其自投而後收之此欲籠絡人材而卒坐失人材者三也蔣撫楊督皆以薦起蔣則羸官楊乃陰鷲均不得終席視滌丈所舉之李沈既不及之比於毛憚物論反甚焉節下徒知文人之非遠器而不知辯士之非遠模徒知馬謖之違節度而不知魏延之非馴擾此欲別拔人材而不知遏抑人材之由者四也委克菴以關中留壽山于福建一則非宏通之選一則為客氣之尤節下久與游而不知是不智也無以易之是無賢也將兵十年讀書四紀居百寮之上受五等之封不能如周公朝接百賢亦不如淳于之日進七士而焦勞于旦暮目營于四海恐仍求士而士益裹足耳聞運自不欲以功名見視當世要事若存乎違文之間既非節下諸公所札調能來亦非諸公所肯薦自代有賢無賢何與人事特以聞節下之勤懇傷所望之未達涉筆及之聊為啟予耳比以桂陽人士相要修志偶思節下久未相聞命兒子錄兵志序一篇以質有道不可空寄一文當作書申敬意之所及輒復論

之又聞人言節下頗怪閻運不以前輩相推此則重視閻運而自待輕也今推節下者衆矣尚須求也附益之乎如閻運者尚不怪節下不以賢人見師也節下久不聞侃侃之言或亦感區區之意知我罪我閻運無與焉臨啟不勝所懷

致李中堂

少荃先生中堂閣下十日從公備承接速授餐下榻仰費指搗雖快傾遲深慚汶瀆家事未了不獲留依勃海揚舫猶憑威寵到家悠悠遂已改時久曠謝悛當荷鑒念想安神清暑佐治延薰長日蕭嚴中外禔福幸甚幸甚長沙積雨二使初臨官士失職以覲新猷惜豹岑之不待耳閻運歸田無完舍業而嬉俟冬初遣嫁第六女後仍當游客比日筠仙暫遣代館而講舍悶熱殆難過夏卑溼之國陽雨溽蒸延望海天彌羨清福臨啟不勝區區企禱之懷

少荃先生中堂閣下自奉丙舍來書後久未貢牋風波震驚獨當危楫赤為几几隱若長城既非侯嬴之所能佐又非馮煖之所能安東望海雲屏營而已國是未定論帥無人幸劉軍猶一交鋒他日必不清敗蓋整軍經武幾二十年乃得此效非老於兵者不能也二張之比塞陸殆猶不及乃昔則望風而謀奔清今得成列

而抗顏行事半功倍誰之力與今或遂以為口舌之功或又責其言行相踐皆扣
槃捫燭之談耳側聞明公猶持老謀不輕言戰此則趙充國之所以報主萬丞相
之欲制東行名臣純忠固宜如此策士觀變竊有請焉今言戰者未必戰言和者
未能和詩曰發言盈庭誰敢執其咎又曰巧言如流俾躬處休當官而行臨事無
讓盡其分所當為亦不必排羣言而申卓見也胡咏芝之嘔氣大曾滌公之嘔氣
長公今兼之尚何言哉若有可驅使者比得信往返已無所及非聞運不來問訊
也區區之忱輒因驛問崇勳續得通候為幸

少荃先生中堂節下相望寥廓久闕賤記屢聞傳道垂念之意尤為悚荷明公身
繫安危獨當其難古今殆無其比今年在湘與筠仙論俄事筠仙示與公往復之
書聞運比東筠仙云君所言滿紙浮詞昔嘗謂君於夷務勝李公今定知不及也
蓋以十八條為不妨許諾在朝唯公一人在野唯聞運一人惜不獲面見證其歸
宿耳往在都門承欲以紅糴白帖見傲及今又廿年既不獲作後輩聊復稱知音
矣悠悠之論又何足惜然竊有參者公之官宰相矣其職疆臣也疆臣握兵不可
言和而增防二軍果足以犄角耶抑終於備而不用似不如明言除禁撤防坦然